

左忠毅公集

左忠毅公集卷之二

桐城左光斗共之甫著

奏疏

急救遼東饑寒疏

題爲急救遼東饑寒事 皇上御極用人行政懿美
不可殫述而首 注意東征將士 慨發帑金一百
萬兩人但知 皇上布德施仁如斯周且渥也不知
壯我師之氣目下之不敢跳梁將刻

勇戢滅。仕於此固知聖算神謨非臣子所能仰贊萬一臣聞大兵之後必有大荒大荒之後必有大疫近據經略揭報叅以往來傳聞遼陽赤地千里芻粟一空人馬倒臥道路枕籍則今日遼東之患又不在無銀而在無用銀之處何也遼自用兵以來米粟涌貴加以荒旱之餘石米四兩石粟三兩其一石尚不及山東之四斗通計一百萬之賞分十五萬之軍每石約爲六兩於銀不爲不多而此六兩者糴米纔一石五斗耳縱是富人未免抱金饑歎且各丁

月餉河東一兩五錢尚有三斗本色可以救死河西
一兩二錢盡以市米僅得三千而况無市處日騰日
貴已不能支撐眼下如何捱過冬春不出數月遼必
無民無民安能有兵無民無兵雖積金如山安所用
之臣所謂非無銀之患而無用銀之處也爲今之計
急截漕二十萬石乘風帆之便運至彼處令河西與
河東一體分給本色各三斗仍量扣其折色俟來春
耕作有獲再行區處昨巡餉之臣已議及之此今日
第一要事也頃歲徵調各兵皆以春夏起程夏

秋過都。盡赤體癯形大類病鶴。匪惟無堅甲
乃更無寸縷。久戍客兵大率類是。涼秋九月塞外草
衰轉盼。隆冬餓歿之餘。又將凍歿。臣願陛下惻然
軫念。發帑銀二十萬。勅下戶部令廉幹司官作速
置買花布。星夜解赴遼東。每軍給布二疋。花二斤。一
如歲底之給。散京軍者其餘趕驟趕車剝皮剝骨之
役亦量加賑恤。庶挾纊之惠適當投水之期。而裹革
之忠卽在蓋帷之內矣。此又救寒第一急着也。臣聞
殘極驕極近又餓極勢不得不決一戰。我以飽

乃可以待饑我以煖乃可以待寒我以飽煖之仁乃
可以待驕且殘此淮陰所謂反其道而用之者也聞
經略策奇制勝蓄銳養威行有待矣而客兵久戍思
鄉亦以速一戰爲樂臣未知堪戰與否但旣溫且飽
矣而賊來不能一戰挫鋒以報 朝廷雨露至而霜
雪隨之 陛下之天威又誰能貸者伏乞 皇上勅
下戶部令截漕二十萬石多儲糧糗接濟啼饑 再
發帑金二十萬兩置買花布用救號寒鼓人心而壯
勇懷在此 臣非不知 皇上已發百萬復爲此

無厭之求。公被之仁非出自特恩無繇令將士感泣故敢冒昧以請政以終一百萬之鴻恩耳若夫長久之策必在通商惠賈以利民生省徭開屯以樂民業河東專主兵河西專主屯庶幾有救新撫臣袁應泰自能辦此總在明旨一申飭而已臣無任激切屏營之至

遼士萬苦千辛疏

題爲遼士萬苦千辛遼學朝三暮四謹酌異同之論
爲畫一之圖以養士氣以廣 皇恩事臣惟三韓版
蕩萬姓流離塗膏之餘繼以鎖尾卽青青子衿如鳥
破巢如狗喪家猶展轉於 祖宗三百年來尊賢養
士之恩忍死以歸 皇上 皇上旣 命寺院賑濟
之安插之又 命臣等作養之此政天意之不忘遼
而 皇上之所以不忘遼士也臣督理畿內學政者
也今春三月 將竣接都察院准禮部咨文屬臣考

試遠東生。雖病憊餘生敢辭勞苦因調取三輔
附近居住各州縣遠生量給路費前赴通州除在山
東者不准收考又查出僞生一百八十名不考外據
安插冊籍互相保結識認者共四百二十名嚴加考
試取一等卷四十名二等卷七十九名三四等有差
念其轉徙無依仰體 皇恩浩蕩姑免五六等以示
優恤新進儒童九名案既定宜講所以安置之者竊
惟今之安置遠士者議亦多端矣或以隨處寄學爲
便禮部儀司開會手本是也或以另建一學爲便寺

臣董應舉屢次條上方略是也或以附寄天津屯學
爲便因以屯童納穀爲餽禮垣郭興言條奏學政是
也臣請得折衷之夫隨便寄學是安插之別名也安
插利於分各自爲居如行者之有家考試利於合總
歸一處如邦畿之有止假令一人而考不成甲乙矣
三五人而考不成黜陟矣將廩增於何分科舉於何
定出貢於何序勢必合爲一處而后等第有高下先
後有次序此斷斷不易之理也寺院議捐帑金千兩
建學有計擇河西水間又擇楊村河東之間風

氣稍旺者。生肄業有其地矣。此自寺院慮始。若
心經久長策而必待部院題覆。明旨允行。恐尚在
歲月之後。遼生歸依無所。顧瞻不定。不能爲旦暮之
待。而臣亦謝事不能待矣。無已。則請據寺院禮垣二
說之中。而變通之。可乎。屯學擬附天津。卽衛學也。天
津軍民雜處。附以屯生。又益以遼生。四百未必欣然。
樂從。臣反覆思維。寺院駐劄武清。則武清固遼士之
丘隅也。所委署學印之劉永茂。見隨駐武清。莫若將
遼士寄名邑於武清。卽以永茂領諸生案冊。無事則

隨便而居臨試則傳檄而至如今日之爲府學者考
畢則散歸各縣臨考則歸併本庠是也迨建有新學
另爲區處其教官職業惟以幫補起復申請文移而
止不得營情羔雉門兜追呼令諸生不安其性命之
情臣謹斟酌於十五學之內四百二十人之中可當
一中府定以一等四十名爲廩二等前四十名爲增
補廩出貢一如府學例科舉百二十人編號仍用遼
字制額除山東一名外約用三人待多士雲興仍補
四名之額去人一切舊廩舊增虛僞種種名色槩不

准理一以河渠爲主而或以年湮舊廩將貢爲辭者
毋論未必盡真卽間有真矣而間關千里出死入生
得脫腥膻鞍韉之餘不失衣冠文物之舊已爲厚幸
必欲人人廩人人貢又盡十五學之人而皆如其廩
與貢卽以三輔爲學宮江海爲泮池不能盡厭其欲
況乎倉卒奔命廩則來而附不來年湮近貢之廩來
而年新貢遠之廩不來又豈情理之可盡信者乎安
不可狂思不可濫臣爲遠生等之審矣至每學酌貢
二人聽新院與寺臣酌議臣不敢與聞自前所急議

者有一等則有廩臣前疏所稱天津道申請屯童餘
穀尚存七百餘石合昭禮科原題事例將一等四十
名每名暫支稻穀十石作天啓三年廩數其屯生尚
未送學衆人勤苦而耕之遼生安坐而食之亦未必
心輸其四年以後應如寺院議以生員魏廷芬所捐
之地入穀餼之永爲例庶島枝棲穩繞樹之身可安
鼠壤糧餘飲河之腹亦滿腹滿而後恢復之氣壯身
安而後忠義之志堅臣所爲酌議於三者之中而爲
遼生策者如此更願自今以後 皇上毋忘遼土有

今日遼士并忘昔日有遼東地方體 皇上之心勿
日以遼生爲譬疆臣體 皇上念遼士之心須日以
恢復爲事忠臣洒新亭之淚義士動故國之悲而后
遼可圖也至於劉永茂舊以臨城知縣被論回籍寺
院念其九死孤忠患難相收委署遼學取其與諸生
休戚相關真偽熟習惟是以不明不白之官行不真
不假之事終覺不便莫若聽吏部議安除授禮部另
給關防庶政體官常俱妥而本官亦得安心營職其
俸薪輿馬亦聽寺院計處惟復別有定奪統惟 勅

下部院施行奉 聖旨這遺生附武清學併照新案
稟貢俱依議行餘著該部議覆

專設援遼事例疏

題爲專設援遼事例以濟急需事竊惟賣官鬻爵一塗原衰世苟且之政即使鬻一官得一官之用而薄輸於公府厚償於民間朝與吏市吏又與民市識者耻之其至於今則公然入市攫官全不用金錢矣議者以爲不如已之便而兵興多事不可已也間之則終不可間也括商算繕一切亂政又零細瑣屑而無濟也臣嘗與科臣官應宸臺臣房壯麗言莫如專立援遼事例便二臣先後各有條陳上聞矣臣請